


**“ТАСДИҚЛАЙМАН”**  
**Давлат божхона органлари**  
**хузуридаги жамоатчилик кенгаши**  
**Раиси**

 **Д.Кудриддинов**

**03 февраль 2025 йил**

**Давлат божхона органлари**  
**хузуридаги жамоатчилик кенгаши мажлисининг**

**1-сонли Баёни**

**3 февраль 2025 йил.**

**Тошкент шаҳри**

**Раислик қилувчи:** Давлат божхона органлари  
хузуридаги жамоатчилик кенгаши Раиси Д.Кудриддинов

**Қатнашдилар:** Жамоатчилик кенгаши аъзолари  
И.Ачилов, С.Алимбаев, З.Исматуллаева,  
С.Исмаилова, Ш.Низамов, Ҳ.Тангриев,  
Э.Раззаков, Б.Турсунов.  
Кенгаш котиби А.Заирова.

**Таклиф қилинганлар:** Божхона кўмитаси Инсон ресурсларини  
ривожлантириш ва бошқариш бошқармаси бошлиғи С.Жалилов,  
Жамоатчилик ва оммавий ахборот воситалари билан алоқалар бўлими  
бошлиғи Х.Тангриев,  
Жамоатчилик ва оммавий ахборот воситалари билан алоқалар бўлими  
ходими Ж.Караматов.


**КУН ТАРТИБИ:**

**1.Давлат божхона органлари хузуридаги Жамоатчилик кенгаши иш  
режасини тасдиқлаш ҳақида.**

**Кун тартибидаги масала юзасидан Жамоатчилик кенгаши Раиси  
Д.Кудриддинов ахбороти тингланди.**

**Ахборот берувчи қуйидагиларга тўхталди.**

Ўзбекистон Республикаси Президентининг 2021 йил 4 мартдаги “2021-2025  
йилларда фуқаролик жамиятини ривожлантириш концепциясини тасдиқлаш  
тўғрисида” ПФ-6180-сон Фармони, “Давлат органлари хузурида жамоатчилик  
кенгашлари фаолиятини ташкил этиш чора-тадбирлари тўғрисида” Қарори  
Божхона кўмитасининг 2023 йил 15 январдаги буйруғи ҳамда “Давлат



божхона органлари ҳузуридаги жамоатчилик кенгаши тўғрисида” Низомда берилган ваколатлар ижросини таъминлаш доирасида божхона тизимида Ўзбекистон Республикаси Президентининг соҳага оид Фармонлари, Қарорлари, Ҳукумат Қарорлари ижросини таъминлаш борасида амалга оширилаётган ишлар, қабул қилинаётган норматив-ҳуқуқий ҳужжатлар, тармоқни ривожлантириш дастурларида жамоатчилик фикрини ҳисобга олиниши, фуқароларнинг ва юридик шахсларнинг ҳуқуқлари ва қонуний манфаатларини ҳимоя қилишини доимий ўрганиб ва мониторинг қилиб бориш, **бу борада фуқаролар ва божхона органлари ўртасида “кўприк” вазифасини бажариш, божхона органлари ва унинг мансабдор шахслари фаолияти устидан жамоатчилик назоратини амалга ошириш**, божхона ходимлари ва уларнинг оилаларига яратилган ижтимоий-маиший, тиббий шарт-шароитларни, божхона органлари фаолиятини янада яхшилаш бўйича олиб борилаётган ишларни ўрганиш, таҳлиллар олиб бориш орқали тизим фаолияти самарадорлигини кескин ошириш мақсадида 2023-2024 йиллар давомида Жамоатчилик Кенгаши томонидан Божхона қўмитаси Раиси билан келишилган ҳолда бир қатор ишлар амалга оширилди.

Жумладан, Жамоатчилик кенгаши томонидан Тошкент шаҳар ва Тошкент вилоятида жойлашган хизмат уйлари ва оилавий ётоқхонада санитария-гигиена нормаларига риоя этилиши, яратилган шарт-шароитлардаан унумли ва самарали фойдаланиши, жиҳозларни сақланиши ва бутлиги бўйича таҳлилий ўрганилди.

Ўрганиш якунлари бўйича аниқланган камчиликлар, вужудга келган баъзи муаммоларни бартараф этиш бўйича Кенгашнинг таклиф ва тавсиялари Божхона қўмитаси Раисига тақдим этилди.

Шунингдек, Жамоатчилик кенгаши томонидан Тошкент шаҳар божхона бошқармасининг “Арқ булоқ”, “Тошкент-товар”, “Сирғали” ва “Чуқурсой”(ТИФ), Самарқанд вилояти божхона бошқармасининг “Самарқанд” ҳамда “Улуғбек” ТИФ ташқи иқтисодий фаолият божхона постлари фаолияти таҳлилий ўрганилди постлар фаолиятида аниқланган баъзи камчиликларни бартараф этиш бўйича Кенгашнинг таклиф ва тавсиялари Божхона қўмитаси Раисига тақдим этилди.

Аниқланган баъзи жиддий аҳамиятга эга бўлмаган камчиликлар ва муаммолар жойида бартараф этилди. Постлар ходимлари бмлан маънавий-маърифий мавзуда суҳбатлар ўтказилди.

Божхона органларида Ўзбекистон Республикаси Президентининг соҳага оид Фармонлари, Қарорлари, Ҳукумат Қарорлари ижросини таъминлаш борасида амалга оширилаётган ишлар, қабул қилинаётган норматив-ҳуқуқий ҳужжатларни ўрганиб ва таҳлил қилиб, мониторинг қилиб бориш орқали тизим фаолияти самарадорлигини янада оширишга ҳисса қўшиш, қўйилган вазифалар ижросини таъминлаш мақсадида 2025-2027 йилларда қуйидаги тадбирларни амалга ошириш режалаштирилди.

Ахборот берувчи мажлис иштирокчиларини жамоатчилик кенгашининг 2025-2027 йиллар учун тузилган иш режаси билан таништирди.

*( Иш режаси илова қилинади).*



Мажлис иштирокчилари И.Ачилов, С.Жалилов, З.Исматуллаева, Ш.Низамов, Б.Турсунов, ушбу масала юзасидан ўз фикр ва мулоҳазаларини билдириб иш режасини маъқуладилар ва тасдиқлашни таклиф қилдилар.

### **М А Ж Л И С   Қ А Р О Р   Қ И Л А Д И:**

1. Давлат бжхона органлари ҳузуридаги Жамоатчилик кенгашининг 2025-2027 йиллар учун иш режаси тасдиқлансин.

2. Жамоатчилик кенгашининг 2025-2027 йиллар учун иш режаси Божхона қўмитасининг Марказий аппаратининг таркибий тузилмалари, Марказий божхона лабораторияси, Мллий кинология маркази, Божхона институтига юборилсин.

3. Жамоатчилик кенгаши котиби (А.Замрова), кенгаш аъзоси (Б.Турсунов)га кенгаш фаолиятига оид ҳужжатларни тасдиқланган номенклатурага мувофиқ тартибли равишда расмийлаштириб бориш топширилсин.

**Жамоатчилик Кенгаши котиби**



**А.Заирова**